

Zuzenbidea eskutan hartuta Gorenaren epaia berrestea zaila dela dio Egibarrek

Mahaikideak zigortu zituen epaiak Mayor Orejaren bultzada zuela azaldu du

Erredakzioa / Donostia

Joseba Egibarrek atzo adierazi zuenez, Zuzenbidea eskutan hartuta Epaitegi Konstituzionalak zailtasun askorekin egiten du topo Gorenak eman zuen epaia berresteko. Mahaikideak zigortu zituztenean epaiak Mayor Orejaren bultzada izan zuela gaineratu zuen.

EAJko bozeramaile Joseba Egibarren esanetan Konstituzionalak Zuzenbidea eskutan hartuta zailtasun asko ditu Gorenak mahaikideen aurka eman zuen epaia berresteko. Orduan bultzada politiko bat egon zela azaldu zuen, eta horrek siglak eta izena zituela, «hain zuzen Mayor Oreja jauna». Egibarren esanetan Konstituzionalak zalantzan jartzen ditu Gorena epaia ematera bultzatu zuten zenbait gauza; hala nola, errugabetasun presuntzioa, eta talde armatuarekiko kolaborazioa egon izana.

Mayor: «Kriminalitatea borrokatzeko zutabea»

Mayor Orejak Konstituzionalaren erabakiarengan konfiantza duela esan zuen atzo. «Zuzenbide Estatuaren izen onarekin kriminalitatea borrokatzeko zutabea eraikitzen ari gara», esan zuen.



Jaime Mayor Oreja (eskuinean) atzo Santanderren izandako ekitaldi batean.

ESTEBAN COBO / EFE

Helegitea aztertzen jarraitzen dute

AUZITEGI KONSTITUZIONALEKO plenoak atzo jarraitu zuen Herri Batasunako Mahai Nazionalako kide espetxeratuek errekurtsoa aztertzen. Carles Viver Konstituzionaleko presidenteak plenari aurkeztu txostena aldatzeko saioak eten egin ziren joan den asteartean eta

atzo hasi ziren berriro. Antza denez, mahaikideen helegitea onartzeko beste arrazoi bat gehitzea nahi zuen magistratu batek eta hori izan da aldaketaren arrazoia. Orain arte txostenaren oinarria izan da errugabetasun presuntzioa urratu zela epaian, mahaikideak zigortzeko nahiko frog

ez zegoelako. Orain, berriz, badirudi beste arrazoi bat ere gehitu dela, alegia, talde armatuari laguntza ematearen delitua bidegabeki zabaldu zela bideoa emititzen saiatzea talde armatuari laguntza bezala hartu ahal izateko. Magistratu baten aburuz, legeak ez du hori laguntzat hartzen.

Eztabaidak jarraitu ahala, presioek ere aurrera jarraitu dute. Hala, atzo ere hainbat komunikabideetan behin eta berriro esaten zen erabakiaren nondik norakoa bi epaileen baita dagoela, bien izenak emanez. Kritika latzak jasan dituzte mahaikideen errekurtsoa babes-teagatik.

laburrean

■ Zelarain eta Azkuerentzako hogeita hamalau urteko zigorra eskatu du fiskalak

ENTZUTEGI NAZIONALEKO Fiskaltzak hogeita bi urteko espetxe zigorra eskatu du Pello Zelarain Oiarzabalentzat eta hamaikoa Iñigo Azkue Berasaluzerentzat, bere ustetan ETako Goierri Kosta komandoko kide izan zirelako. Berri agentziek, Fiskaltzak esaten duenean oinarrituta, Zelarainek Billabonan zuen bajera komandoko kideak ezkutatatzeko erabiltzen zela azaldu zuten. Azkueri Goardia Zibilaren aurka Meagako gainean egindako atentatuaren parte hartzea egotzi diote.

■ Troitiño eta De Juaren kontrako epaiketa atzeratu da, Soares Ganboa lekuko gisa deitu ez zutelako

BERRIZ atzeratu da Iñaki de Juana Chaos eta Antton Troitiño euskal presoek kontrako epaiketa. Hain zuzen, 1986an Fernando Yrayzoz generalarren kontrako atentatu saiakera egiteagatik epaitzen dituzten Troitiño eta De Juana Entzutegi Nazionalan, eta Juan Manuel Soares Ganboa da haien kontra duten lekuko nagusia. Baina atzo epaiketa atzeratu behar izan zute, Soares Ganboa ez zelako lekuko gisa deitua izan. Bigarren aldia da epaiketa atzeratzen dutena, ekainaren 2an Troitiño, De Juana eta haien abokatu Ainhoa Bagliettok epaigela utzi baitzuten, euren baimena gabe telebista kamarak sartzen utzi zituztelako.

■ Egibarrentzat «Espainiaren batasuna indartu egingo litzateke, osatzen duten zatiek parte izateko erabakia aske hartuko balute»

ESPAINIAREN batasuna indartu egingo litzateke, Joseba Egibarren ustetan, osatzen duten zati, nazio eta herrialdeek «demokratikoki eta aske batasun horren parte izateko erabakiko balute». Gainera bizikidetza politikoak ezin direla inposatu ere adierazi zuen EAJko bozeramaileak. PP eta PSOErentzako «nazionalitateak» gehienera jota Estatu oso baten zati bat izatera bakarrik iritsi daitezkeela esan zuen, eta hori penagarria dela.